

Ilanngussaqq D



Aningaasaqarnermut Naalackersuisoq

Ulloq: 31. oktober 2019

J.nr.: 01.31.11-00019

Aningaasaqarnermut Akileraartarnermullu Ataatsimiititaliamit tallimangornermi ulloq 1. november 2019, nal. 10.30 ataatsimiittarfik Lars Chemnitzimi siunersiorneqarnissamut aggeqqusissut

Inatsisartut suleriaasianni § 19 naapertorlugu AIS 2020 pillugu siunersiorneqarnissamut Aningaasaqarnermut Naalackersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq.

Aningaasaqarnermut Ataatsimiititaliap oqaaseqaatai apeqqutaalu:

Naalackersuisut AIS 2020-mut allannguutissatut siunnersuutaat matuma kinguliani allasimasunik ataatsimiititaliap apeqquteqarnissaanut tunngavissiipput, taakkulu siunersiuinermi akineqarnissaat ataatsimiititaliamit kissaatigineqarpoq.

Apeqqut 1

Allannguutissatut siunnersuut nr. 10.

Missingersuutinut ilanngussami allannguummut suna tunngaviua?

Apeqqut 2

Allannguutissatut siunnersuut nr. 23.

Missingersuutinut ilanngussami allannguummut suna tunngaviua?

Apeqqut 3

Allannguutissatut siunnersuut nr. 25.

Takussutissiaq ilanngullugu nassuinneqartoq erseqqinnerusumik itisilernerqassasoq ataatsimiititaliamit kissaatigineqarpoq. Suliassat immikkoortiternerisa suliassallu allaaserinerisa imarisaannut takussutissiaq sanilliunneqassaaq.

Apeqqut 4

Allannguutissatut siunnersuut nr. 28.

Takussutissiaq ilanngullugu nassuinneqartoq erseqqinnerusumik itisilernerqassasoq ataatsimiititaliamit kissaatigineqarpoq. Suliassat immikkoortiternerisa suliassallu allaaserinerisa imarisaannut takussutissiaq sanilliunneqassaaq.

Tassunga atatillugu suliassap 996.24.116 allaaserinerani allanngortoqarpa?

Apeqqut 5

Allannguutissatut siunnersuut nr. 30.

Suliassanit allanit arlalinnit Nuummi suliassaq 060.31.033-mut aamma sumiiffinni assigiingitsuni suliassaq 996.32.134-mut aningaasanik nuussisoqartoq ataatsimiititaliap paasivaa. Takussutissiaq ilanngullugu nassuineqartoq erseqqinnerusumik itisilerneqassasoq ataatsimiititaliamit kissaatigineqarpoq. Suliassat immikkoortiternerisa suliassallu allaaserinerisa imarisaannut takussutissiaq sanilliunneqassaaq. Tamatuma saniatigut atuutilerfissatut nalunaarneqarsimasut itisilerneqarnissaat ataatsimiititaliamit kissaatigineqarpoq.

Apeqqu 6

Allannguutissatut siunnersuut nr. 43.

Aningaasaliissutini allannguutit qanoq nassataqarpat?

AS 41-44-p akornanni ataqatigiinneq erseqqinnerusumik itisilerneqassasoq ataatsimiititaliamit kissaatigineqarpoq.

Apeqqu 7

Allannguutissatut siunnersuut nr. 45.

Aningaasaliissutini allannguutit qanoq nassataqarpat?

Apeqqu 8

Allannguutissatut siunnersuut nr. 49+50.

Pisariillisaanermik suliniut ERP sivitsulersumik ingerlasoq qaqugu naammassineqarsinnaasutut naatsorsuutigineqarpa?

Apeqqu 9

Allannguutissatut siunnersuutit uku aningaasalersornissaannut Naalakkersuisut qanoq naatsorsuutiginnippat?

Apeqqu 10

Isaterinermut tapiissutit konto pingaarnermut immikkoortinneqarnissaannut Naalakkersuisut qanoq periarfissaqarsoraat?

Apeqqu 11

Konto pingaarnermut 64.16.04-mut oqaasertaliussaq nr. 2 suli pisariaqartinneqartuussatut Naalakkersuisunit isigineqarpa? Tamanna qanoq iluaqutissartaqarpa?

Apeqqu 12 allat:

Apeqqu 12

Qeqqata Kommuniata allagaa ilanngunneqartoq oqaaseqarfigeqqullugu Naalakkersuisut qinuigineqarput, tamatumani aningaasanut inatsimmut kingunerisassat immikkut pingaartinneqassapput.

Siunnersuinermit malitseqartitsissutinik apeqquqartoqarnissaa naatsorsuutigineqassaaq.

Ataatsimiititaliap Naalakkersuisumik siunnersuinerata Naalakkersuisup ataatsimiititaliallu akornanni pingaarnersiulluni tulleriarinerit anguniakkallu pillugit naalakkersuinermit tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqu 12 siuliani allasimasut pillugit allakkiamik kalaallisut danskisullu ataatsimiititaliap Naalakkersuisumik siunnersuineranut atatillugu pissarsisinneqarnissani ataatsimii-

titaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguninngua uunga nassiunneqarnissaa qinnutigineqarpoq: saam@ina.gl. Allakkiap ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalakkersuisumik siunersiuinerata aallartin-nerani ataatsimiititaliap oqalutnaanut ataatsimiititaliallu allattaaanut tunniuteqquneqarpoq.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua